

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), Vlada Zeničko-dobojskog kantona, na prijedlog Ministarstva za pravosuđe i upravu, na 107. sjednici, održanoj 16.04.2013. godine, d o n o s i

ZAKLJUČAK

I.

Prihvataju se izjašnjenja i dokumentacija vezano za postupanje po apelaciji Ustavnog suda BiH Ministarstva za pravosuđe i upravu i Ministarstva finansija Tužilaštvu BiH o mjerama koje je poduzela Vlada Zeničko-dobojskog kantona radi izvršenja Odluke Ustavnog suda broj: AP-3335/09 od 18.04.2012. godine.

II.

Kompletan materijal se prosljeđuje Ustavnom sudu BiH i Tužilaštvu BiH.

III.

Zaključak stupa na snagu danom donošenja.

Broj: 02-_____/13.

Datum, 16.04.2013. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za pravosuđe i upravu,

1x Ured premijera,

1x Tužilaštvo BiH (putem Ministarstva za pravosuđe i upravu),

1x Ustavni sud BiH, (putem Ministarstva za pravosuđe i upravu),

1x a/a.



Broj
Zenica, 08.04.2013. godine

**TUŽILAŠTVO-TUŽITELJSTVO
BOSNE I HERCEGOVINE**

P R E D M E T: Izjašnjenje na broj T20 0 KTA 0006552 13, od 27.03.2013. godine, dostavlja se;

Tužilaštvo-Tužiteljstvo Bosne i Hercegovine, aktom broj: T20 0 KTA 0006552 13, od 27.03.2013. godine, uputilo je zahtjev Vladi Zeničko-dobojskog kantona za izjašnjenje o radnjama koje su poduzete s ciljem izvršenja Odluke Ustavnog suda BiH, broj AP-3335/09, od 18.04. 2012. godine.

Postupajući po predmetnom aktu dostavljamo Vam slijedeće izjašnjenje.

Odluka Ustavnog suda BiH zaprimljena je u Ured premijera Zeničko-dobojskog kantona dana 31.05.2012. godine, i kopija iste proslijeđena je Ministarstvu za pravosuđe i upravu (zaprimljena 07.06.2012.godine), Stručnoj službi Vlade Zeničko-dobojskog kantona i Kantonalnom pravobranilaštvu Zeničko-dobojskog kantona.

U Vladi Ze-do kantona se u tom periodu dešava smjena 6 ministara, među kojima su bili i ministri ministarstva finansija i ministarstva za pravosuđe i upravu. Dana 01.06.2012. godine smijenjeni su dotadašnji ministri, a novi ministri stupili su na dužnost dana 12.06.2012. godine.

U ministarstvu za pravosuđe i upravu primopredaja dužnosti izvršena je između dotadašnjeg ministra i sekretara ministarstva, a u periodu od 01-12.06.2012. godine prijem i razvrstavanje svih akata u ministarstvu vršen je preko sekretara ministarstva. U zapisniku o primopredaji nije naveden sporni predmet, a iz evidencionih knjiga i omota predmeta utvrđeno je da je isti dana 07.06.2012. godine signiran na sekretara ministarstva, međutim u knjizi nema potpisa da je predmet i preuzet.

Nakon što je Ustavni sud je 14.11.2012. godine, Vladi Zeničko-dobojskog kantona, uputio akt (zaprimljen 19.11.2012.godine), kojim zahtijeva da se isti izvjesti o postupanju po odluci u roku od osam dana, ovaj akt je iz Ureda premijera, u kopiji proslijeđen Stručnoj službi Vlade, Ministarstvu za pravosuđe i upravu, Ministarstvu finansija i Kantonalnom pravobranilaštvu Zeničko-dobojskog kantona. Ministarstvo za pravosuđe i upravu isti dan tj. 19.11.2012. godine, upućuje akt broj 06/02-14-12456-1/12, od 19.11.2012. godine, Mnistarstvu finansija Zeničko-dobojskog kantona radi plaćanja, ali i zahtjev Općinskom sudu u Zenici, kao postupajućem sudu za dostavljanjem informacije zbog nedonošenja odluke u razumnom roku za predmetnu apelaciju, ali i za ostale. Na ovaj akt Ministarstvo finansija 28.11.2012. godine, u aktu broj 07/02-14-12456-1/12, navodi da u budžetu nisu predviđena sredstva za plaćanje nematerijalne štete naložene odlukama Ustavnog suda BiH, odnosno nije

predviđen ekonomski kod, niti budžetska pozicija sa koje bi se vršilo plaćanje po navedenoj odluci (**jer se radi o plaćanjima sa kojima se kanton prvi put susreo**). Aktom broj: 06/02-14-12456-2/12, 13.12.2013. godine, ministarstvo za pravosuđe i upravu je uputilo uregenciju, a za potrebe plaćanja, nakon što je to zatraženo od Ministarstva finansija (akt broj: 07/02-14-12456-2-1/12, od 26.12.2012. godine) uputilo po oznakom „hitno“ dopis Općinskom sudu Zenica, radi dostavljanja podataka za apelante, kao bi istima mogla biti uplaćena sredstva. Nakon što su podaci dostavljeni, isti dan su proslijeđeni Ministarstvu finansija. Zbog nedostatka svih odgovarajućih podataka i samim tim nemogućnosti plaćanja, i pored pokušaja da se isti dobiju putem telefona navedenog u aktu suda, zatim od Advokatske komore RS, telefonskim putem iste smo za apelante pokušali dobiti i od registrara Ustavnog suda BiH (telefonski razgovor 21.01.2013. godine). Kako o istim podacima prethodno nismo imali saznanja, jer ovo ministarstvo, a niti bilo koje drugo ministarstvo u Vladi Zeničko-dobojskog kantona nije imalo nikakvih saznanja o predmetu, koji se vodio pred redovnim sudom, niti je bilo učesnik u postuku, a niti smo ih mogli iz objektivnih razloga mogli pribaviti, a isti nisu navedeni ni u apelaciji, Ministarstvo za pravosuđe i upravu je aktom broj 06/03-14-12456-8/12, od 21.01.2013., obavijestilo Ustavni sud BiH o nemogućnosti postupanja po apelaciji.

Nakon više pokušaja da stupimo u kontakt sa kćerkom i punomoćnicom apelanata, tek dana 15.02.2013. godine, putem telefona uspjeli smo dobiti tražene podatke i isti dan izvršena je uplata.

Jedan od razloga zbog koga smo kasnili sa plaćanjem je taj što Zeničko-Dobojski kanton nije bio stranka u predmetnom postupku, a u apelaciji su navedeni samo inicijali te nismo raspolagali podacima o apellantima (tačno ime i prezime, matični broj, adresa, broj žiro računa itd.) kako bi se plaćanje po navedenom predmetu moglo realizovati.

Vlada Zeničko-dobojskog kantona konstantno je poduzimala određene radnje radi što prije realizacije Odluke Ustavnog suda BiH broj: AP-3335/09 od 18.04.2012. godine vidi se iz priloženih akata (prepiske između pojedinih ministarstava i suda)

Osim toga želimo naglasiti i slijedeće okolnosti i činjenice:

1. da je Vlada Zeničko-dobojskog kantona postupila po svim apelacijama koje se odnose na plaćanje nematerijalne štete. Dokaz: uvid u izvršena plaćanja,

2. da se sve isplate iz kantonalnog budžeta vrše u skladu sa kantonalnim Zakonom o izvršenju budžeta,

3. da je realizacija Budžeta Zeničko-dobojskog kantona za 2012. godinu, razultirala deficitom u iznosu od 16.342.938,80 KM, između ostalog zbog slabog punjenja Budžeta Zeničko-dobojskog kantona, koje je posebno izraženo u drugoj polovini 2012. godine, što je dovelo u pitanje samu likvidnost Budžeta, tako da je iz objektivnih okolnosti došlo do kašnjenja sa plaćanjem obaveza prema dobavljačima i ustavnih obaveza Kantona.

4. nepostojanje odgovarajućeg transfera za plaćanje po apelacijama kao vrsti sudske odluke, u Budžetu za 2012. godinu, posebno sa aspekta prioriteta kada se imaju u vidu i druge odluke sudova koje glase na novčane iznose,

5. da su se u spornom periodu dešavale promjene na funkcijama ministara u Vladi Zeničko-dobojskog kantona pa i finansija i pravosuđa, da su u tom periodu prijem i razvrstavanja pošte vršili sekretari ministarstava, te isti nisu bili evidentirani u zapisniku o primopredaji dužnosti,

6. uloženi napor da dođemo do relevantnih podataka (tačno ime i prezime, adresa, matični broj broj žiro računana koji treba uplatiti sredstva) i objektivne teškoća da se do istih dođe, jer istima nismo raspolagali, te u konačnici činjenicu,

7. da je Vlada postupila po Odluci Ustavnog suda, što nikada i nije bilo sporno, kao i veoma važnu činjenicu da je obaveza Vlade proistekla zbog nepostupanja sudova, u ovom slučaju Općinskog suda u Zenici, nad kojima Vlada nema, niti može imati uticaja na postupanje i donošenje odluke u razumnom roku.

Imajući u vidu sve naprijed navedeno cijenimo da ćete postupanje i stav Vlade Zeničko-dobojskog kantona, što ono svakako jeste, u predmetu AP 3336/09 ocijentiti kao

postupanje koje nije dovelo u pitanje konačnost i obaveznost Odluke Ustavnog suda BiH broj AP – 3335/09.

Smatramo shodnim za napomenuti da u konkretnom slučaju nema elemenata krivičnog djela Neizvršenje odluke Ustavnog suda, Suda BiH, Doma za ljudska prava ili Evropskog suda za ljudska prava iz člana 239 KZ BiH, jer isti navodi da „Službena osoba u institucijama Bosne i Hercegovine, institucijama entiteta ili institucijama Brčko Distrikta Bosne i Hercegovine, koja odbije da izvrši konačnu i izvršnu odluku Ustavnog suda Bosne i Hercegovine, Suda Bosne i Hercegovine, Doma za ljudska prava ili Evropskog suda za ljudska prava, ili sprječava da se takva odluka izvrši, ili na drugi način onemogućava njeno izvršenje, kaznit će se kaznom zatvora od šest mjeseci do pet godina“

Vlada Ze-do kantona nije odbila da izvrši konačnu i izvršnu Odluku Ustavnog suda BiH, niti je sprječavala da se takva odluka izvrši, ili je na drugi način onemogućavala njeno izvršenje, naprotiv, odluka je izvršena. Činjenica je da je Odluka izvršena sa zakašnjenjem, međutim treba se uzeti u obzir sa u vrijeme kada je prvi put zaprimljena u Vladu došlo do smjene više od pola ministara u Vladi ZDK, da je sporna Odluka već bila signirana državnim službenicima na postupanje, da ista nije bila navedena u zapisniku o primopredaji dužnosti kao nezavršen predmet, da je primopredaja izvršena između ranijih ministara i sekretara ministarstava, da novi ministri nisu imali saznanja o spornoj odluci, te da je odmah sutradan nakon što je Ustavni sud 14.11.2012. godine, Vladi Zeničko-dobojskog kantona, uputio akt (zaprimljen 19.11.2012.godine), kojim zahtijeva da se isti izvjesti o postupanju po odluci, predmet po hitnoj proceduri uzet na postupanje.

S poštovanjem,

Prilog:

1x Co akta broj: 06/02-14-12456-1/12, od 19.11-2012.,
1x Co akta broj: 06/02-14-12456/12, od 20.12.2012.,
1x Co akta broj: 07/02-14-12456-1/12, od 28.11.2012.
1x Co akta broj: 06/02-14-12456-2/12, od 13.12.2012.,
1x Co akta broj: 07/02-14-12456-2-1/12, od 26.12.2012.
1x Co akta broj: 06/03-14-12456-4/12, od 27.12.2012.,
1x Co akta broj: 06/03-14-12456-5/12, od 27.12.2012.,
1x Co akta broj: 06/03-14-12456-6/12, od 27.12.2012.,
1x Co akta broj: 06/03-14-12456-8/12, od 21.01.2013.,
1x Co akta broj: 06/03-14-12456-3/12, od 18.02.2013.,

Dostavljeno:

1x Naslovu
1x Vlada Ze-do kantona (n/r Premijera)
1x a/a

MINISTRICA

Romana Brkić, dipl.pravnica